

中華民國五年九月三十日

陸軍總長段祺瑞

內務部訓令第一號

令土木工程處處長姚翼唐

准步軍統領衙門咨據永定門門領呈稱門裏門洞西邊門扇下邊坑坎不平且有門裂痕跡上邊橫帶脫落
啟閉稍有妨礙並查裏門門櫃早經折斷係用鐵葉包裹現亦糟朽其外門門櫃尙有不固之處呈請修理等
情咨行查照派員勘修等因到部合行令仰該處長派員勘估報部核辦可也此令


部印

中華民國五年九月 日

海軍部訓令第三三號

葉芳哲	王超	程錫庚	梁訓頌
王助	袁晉	杜衍庸	盧文湘
王孝豐	馬德職	周恭良	姚介富
玉藻	曾貽經	陳可潛	章增復
葉在藻	伍景英	程耀樞	沈鴻翔
徐祖善	伍大名	鄭耀恭	

查比年以來留學歐美各員生中多有濡染舊張惡習者盱衡時局不禁怒焉憂之前據造艦總監魏瀚詳報
學生王孝豐曾貽經伍大名杜衍庸葉在馥等種種違犯規則侮辱長官等情本部深維育才匪易格外優容
特宥其既往並預予訓詞交由王監督帶美轉發各該學員生遵照期知悔過在案迺甫經數月復據王監督
迭次報告姚介富丁國忠王孝豐王助玉藻等不受監督指揮任意侮辱各情事循此以往軍學前途尙復何
望茲特不憚重申誥誦嗣後務須痛革前非恪守規則自重軍人品格勉成民國棟材倘若怙惡不悛仍蹈舊
凌惡習本總長惟有執法以繩除斥革追償歷年學費外並當呈請嚴懲決不再事寬貸以爲玩視軍令者戒
諸員生尙其懍旃慎勿謂言之不預也切切此令



部印

中華民國五年十月二日

海軍總長程璧光

內務部指令第 號

令京師警察廳總監吳炳湘

呈一件正陽門種植花木用過款項數目具報鑒核由

據呈已悉查正陽門種植花木價銀共計用過二千七百五十八元八角三分三釐司覆核所有收據二千元與原領款目尚屬相符應准銷結其不敷銀七百五十八元有奇據稱由該廳馬路種樹項下開支不再請領等語應一併准予備案合行令仰知照此令

部印

中華民國五年九月 日

內務部指令第 號

令土木工程處處長姚翼唐

呈一件為修理右安門外門門工程由

據呈稱修理右安門外門門工程估需工料款項請核示等情查冊報估修該項工程共需用購料銀洋二十一元四角五分並行取杉木一根飭司覆核尚無不合應即准修為此令知該處長仰即遵照可也此令

部印

中華民國五年九月 日

內務部指令第 號

令京兆尹王達